

## **UPUTSTVO ZA PRIJAVU I POLAGANJE STRUČNOG ISPITA ZDRAVSTVENIH RADNIKA I ZDRAVSTVENIH SARADNIKA**

Pripravnik sa srednjim ili visokim obrazovanjem koji je obavio pripravnički staž podnosi Komisiji za polaganje stručnog ispita **prijavu za polaganje stručnog ispita**.

**Obrazac prijave za polaganje stručnog ispita** pripravnik može preuzeti na infopultu u zgradi Vlade Brčko distrikta Bosne i Hercegovine ili kod sekretara Komisije u kancelariji broj 74.

**Uz Prijavu za polaganje stručnog ispita potrebno je priložiti:**

1. Ovjerenu kopiju diplome/svjedočanstva (za diplome stečene u inostranstvu nakon 6. 4. 1992. godine potrebno je dostaviti i rješenje o nostrifikaciji),
2. Ovjerenu fotokopiju pripravničke knjižice – *za lica koja su obavila pripravnički staž*,
3. Dokaz izdat od ovlaštene obrazovne ustanove za doktore medicine, doktore stomatologije, magistre farmacije i lica sa završenim fakultetom zdravstvenih studija da je studij obavljen po bolonjskom procesu – *za lica koja su po Zakonu o zdravstvenoj zaštiti Brčko distrikta Bosne i Hercegovine izuzeta od obavljanja pripravničkog staža*,
4. Dokaz o statusu ovlaštene zdravstvene ustanove odnosno privatne prakse u kojoj je obavljen pripravnički staž, kao i kopiju službenog glasnika u kojem je objavljen plan i program po kojem je obavljen pripravnički staž – *za lica koja su pripravnički staž obavila izvan teritorije Brčko distrikta Bosne i Hercegovine*,
5. Dokaz o uplati naknade za polaganje stručnog ispita.

Komisija za polaganje stručnog ispita razmatra prijavu za polaganje stručnog ispita uz dostavljenu dokumentaciju te predlaže šefu Odjeljenja za zdravstvo i ostale usluge Vlade Brčko distrikta Bosne i Hercegovine donošenje rješenja o odobravanju polaganja stručnog ispita.

**O datumu i mjestu polaganja stručnog ispita** pripravnik se obavještava pisanim ili usmenim putem, najkasnije sedam dana prije polaganja stručnog ispita. U slučaju spriječenosti za pristupanje ispitu, pripravnik je dužan najmanje jedan dan prije dana određenog za polaganje ispita obavijestiti Komisiju za polaganje stručnog ispita o istoj. U suprotnom, za pripravnika koji o spriječenosti pristupanju ispitu ne obavijesti Komisiju za polaganje stručnog ispita ili svoj izostanak ne opravda, smatrat će se da nije pristupio ispitu, a troškovi ponovnog izlaska na ispit padaju na pripravnika u punom iznosu.

**Visina naknade za polaganje stručnog ispita za visoku stručnu spremu iznosi 300,00 KM, a za srednju stručnu spremu iznosi 200,00 KM.**

**Naknadu za polaganje stručnog ispita uplatiti uplatnicom na: Jedinствeni račun Trezora Brčko distrikta BiH otvoren kod ADDIKO Bank a. d. Banja Luka, Filijala Brčko, broj: 552-000-1826762457, svrha doznake: Uplata naknade za polaganje stručnog ispita zdravstvenih radnika i zdravstvenih saradnika, vrsta prihoda 722555, općina 099, budžetska organizacija 1901001.**

Troškove popravnog ispita snosi pripravnik i iznose:

- za visoku stručnu spremu po 75,00 KM za svaku oblast koju pripravnik polaže na popravnom ispitu,
- za srednju stručnu spremu po 50,00 KM za svaku oblast koju pripravnik polaže na popravnom ispitu.

Za sva **dodatna pitanja** pripravnik se može obratiti Odjeljenju za zdravstvo i ostale usluge Vlade Brčko distrikta Bosne i Hercegovine, sekretarima Komisije za polaganje stručnog ispita, na brojeve telefona: **049 / 240-640** ili **049 / 240-624**, svakim radnim danom **od 12.00 do 13.00 sati**.